

四庫全書

集部

欽定四庫全書

文苑英華卷八百七十一 宋 李昉等 編

紀功一

贈太尉段秀實紀功碑一首

西平王李晟東渭橋紀功碑一首

幽州紀聖功碑一首

贈太尉段秀實紀功碑 并序 德宗

立人之道曰君與臣為臣之義曰忠與節忠莫極於衛

國節莫大於忘身存其誠德貫乎天地致其功用施于  
社稷獨斷勦光慝之命沉謀安宇宙之危其智勇足以  
拯時其義烈足以弘教非昊穹錫慶敷佑皇家重振紀  
綱再激汙俗何遘述之會而獲見斯人開府儀同三司  
檢校禮部尚書兼司農卿上柱國張掖郡王段氏名秀  
實字成功應期降生扶翼唐祚稟陰陽之粹氣備剛柔  
之全體正明道從時卷舒蓄為淳和發為功烈朕宅  
帝位之五載孟冬十月賊臣朱泚反天悖人因時多虞

乘我無備誘聚叛卒作亂于京師朕深惟罪已之誠遠  
遵避狄之義駕自中禁狩于近坳賊陰謀為奸陽言示  
順以公嘗任涇帥素得士心採諸衆情引以自助公感  
時悲憤思定大業謂復國安人由已不可以顧私謂開  
物變化在權不可以虛死畧匹夫之褊介蘊曠代之宏  
規內貞其心外混其跡且控察元惡情狀將因而圖之  
賊果不疑委以心腹一作腑遽發兇黨謀襲我師公詭說  
以詞止之不可及疑作乃竊取官印假為兵符急追寇軍

不遠而復銷禍紓難陰陽若神于時物情危疑忠邪莫  
判卒乘未輯軍旅未完微公之謀吾幾蔑濟既而密結  
勇敢誓殲寇讐決策尅期中外發應會賊泚召公計事  
引入閣中露其姦情言及僭竊公氣填胸臆植髮衝冠  
仰天大呼玄鑒何昧孰為臣子而忍是心語未絕音奮  
笏前擊兇徒敗面既躓而奔左右愕然初未敢動繼者  
不至事遂無成逆徒交鋒因而遇害嗟乎天生萬物唯  
人最靈稟元氣之精鍾五行之秀是宜守正居順移孝

資忠君君臣父子各履於達道同臻于太和天  
乎不融生彼狂悖神乎不惠喪我忠貞靜言思之輟饋  
忘寐詳求其理抑有以焉茲朕不明敗德招損故列聖  
垂祐儆戒于予則泚之亂所以懲既往勗將來禮教陵  
夷風訛俗弊故上帝一作降鑒聳動于人則段公之死  
所以勵當今傳不朽也訪彼前史稽諸昔賢全大節者  
不必成功建大功者或未立節非節不可以禪教非功  
不可以持危義實相須事難竝備吉甫以文武翼周室

宣王中興絳侯以智謀安劉氏文皇紹立茂功著矣而節未可稱董卓脇國以擅威伍孚刺之而不畏王敦擁衆以稱亂周顛折之而無疑奇節偉矣而功竟不就至若屈伸合變進退知機智以遂其謀勇以決其死功與時竝節與名偕中古已還無公儔比貞烈之至通於神明桀驚聞之而動心仇讐感之而不怨死於義而義著忘其家而家全行路興悲懦夫增氣矧予之慟其可弭忘且人之所愛者身也國之所重者位也公能殺身殉

國朕得不以重位報之哉乃詔有司冊贈太尉謚曰忠烈賜實封五百戶莊宅各一所嗣子授三品正員官諸子各授五品正員官表其閭里護其喪葬官立祠守史載忠勲哀榮之典備矣君臣之義極矣公始以天寶四載奮筆從戎才為時生官由才達得司馬戰陣之法叅將軍帷幄之籌累典方州更踐臺寺出擁旄節入為卿士位歷十七歲踰三紀封王列於異姓開府比於台司參職六官食賦百室言不伐善慮常下人恒持順信之



規罔居疑悔之地利刃在手投節皆虛貞松有心老而  
彌勁吞大慙於方寸之內定危疑於晷刻之間力可屈  
而志不可遷身可殺而節不可奪所謂有始有卒為臣  
之極致者歟日月有期宅兆云畢身歿功在凜然如山  
勒銘傳芳終古不滅以志吾過且旌善人銘曰

浩浩上天四序唯均氣或堙鬱過

一作迺

為災氛否不可

終必復元亨洗以膏雨播之祥雲濟濟蒸人五常是則  
時或迭難乃生兇慝亂必有定允歸皇極拯以茂勲輔

之明德勲德克崇茲惟段公實天降靈寧保朕躬日月  
蔽虧宇宙昏蒙罔然明誠獨誓深忠豺狼為羣折折逞  
志咆哮奔突乘我未備公飛尺符橫制醜類變化若神  
邦家不墜元惡大憝誘姦作狂竊器僭名反易天常公  
獨挺身奮擊暴強烈烈英武歿而彌彰義振名教功存  
社稷贈極上台賞延真食省咎祇畏懷賢憫惻刻銘豐  
碑昭示萬國

西平王李晟東渭橋紀功碑 前人

天有柱以正其傾地有維以紐其絕皇王有輔佐以濟其艱難非命厯所歸不得生良弼非君臣相合不能集大勲非暴亂弘多不足表忠節非奸猾熾焰不克展雄

才天與事

一有君字

肆會然後臣功著而王業興焉高祖太

宗拓跡垂統掃乾坤之沴氣

一作氣沴

拯生靈之塗炭其受

命也正其布澤也寬六宗丕承克廣前烈雖遇屯否化危成安二百年間五夷大難由內以正宸極者再自外而復都邑者三山岳降神雲龍叶契繼生賢哲保定邦

家神龍中諸武擅權甚

疑作甚

間王室則有若扶陽王彥

範等推戴中宗紹復洪業景龍末嬖韋窺國瀆紊乾綱  
則有若徐國公幽求等左右玄宗掃除兇穢天寶之季  
盜起幽陵翠華南征潼關不守廣德之際戎軼邠郊皇  
輿東巡鄴宮罷警則有若尚父子儀等珍殪醜逆冊肅  
宗于岐攘却蕃夷翊代宗于陝建中四祀寇發上京暴  
蔑人神僭稱名器則有若西平王晟等剪滅大憝廓清  
中區惟茲數公異時同德道濟于社稷勲書於鼎彝唐

之得人於斯為盛東渭橋抵王城東北四十里而國之  
廩積在焉始晟於此駐孤軍糾羣帥俟時而動一舉成  
功予是用揚其美而紀其功以明事之有因謀之有素  
也粵若菲德嗣膺大寶化乖柔遠明不燭幽淮右賊臣

提

一作阻

兵犯順憑陵汝服震壓洛師朕憫將吏之受汗

哀烝黎之無訴罔思衛已姑務靖人亟發禁師東征不  
軌猶慮勝敵之未勇

一作果

乃徵涇師以繼之賊泚畜姦

覷隙乘便餌誘貪卒扇結暴徒伺其不虞譟聚犯闕朕

引咎出次薄犯二畿封豕長蛇穴處宮廟磨牙噴毒噬  
螫害人最時總偏師遠戍河朔曾不俟召聞難駿奔鼓  
義勇仗順之師吞敗亡稔惡之寇雄威勝勢疾若飈馳  
屬賊帥昏迷恃衆貪亂誘我蠢賊連謀內逼朝廷載遷  
闕河長擾豺狼塞路弄澆爭驅人煙絕於井邑陰燐交  
於田野物情大駭盪然靡依晟乃設會軍門哭而誓衆  
國讐不滅無以身為遂發感激嗚咽流涕天地為之變  
色將帥為之動心軍中較然知有逆順晟乃

一作度公

積計私課程賞典定刑章行令自身錄功先下由是勇者奮力智者効謀其氣增倍其心如一屹立堅壁于渭之陽姦逆畏威而震懼忠義奮氣而聳慕分二兇之勢不敢相附為諸鎮之援俾得自堅晟之力也二月守暨乎夏五月晟知衆心可用乃揀日饗士乙未陳師于東郊如虎唐諱如豹如熊如羆兇徒接戰累合皆北倒戈棄甲罔敵我師乘而殪之摩壘而止戊戌方旭連營進攻賊衆相驚股戰魄駭登陴而不敢拒闔門而不敢窺晟

仗鉞啓行執桴親鼓斂塞也隍塹排墻垣勝氣兆於風

雲威聲振於原野指顧摧靡盪無孑遺布朝旨以寬脅

從勵臣節以誅同惡乾軸傾而復紐皇維弛而更張遷

臬聲為好音變袂祲為和氣然後閑戎律釐軍容不誼

一作不諱有嚴有翼搜苑囿殄遺寇清宮門授彼有司

宣言于衆曰龔行天討將以遏亂畧去人害王師所至

歌舞從之其或矜勇恃勲作威肆掠是則以暴易暴夫

何賴焉懋功有恒賞違禁有常罰惟國之令典不得以



贖論敢犯令者殺之無捨爰擇便地引軍出屯馬無錯  
羣士必成列尅敵彌日都人莫知徐命有地之官同

一作

周諭鄜里士庶聞巨猾之殲殄而我師壺觴犒軍如恐  
不及者若赤子之保慈母涸鱗之赴洪波或欣而呼或  
感而泣吾是以知烈祖積德人懷其深賢臣佐時功濟  
斯美晟有興運之畧有匪躬之誠有定亂之勲有禁暴  
之德俾予從乂垂拱仰成乃冊拜司徒兼中書令加實  
封一千戶錄功第一序位居首事業編乎史冊德輝流

乎頌聲入為夔龍出作方名贊賀

一作贊贊

徽烈中外具瞻

而晟居高牧卑辭滿守約崇讓而勲闕彌耀惡盈而福  
祿攸歸斯又明哲之規慎終如始者也夫制敵在謀不  
在衆感人以義不以威當天地屯蒙邦家離析援孤者  
踣黨勝者強羣心囂囂靡所止戾若風動中野波騰滄  
溟從而拯之豈易為力于時馬不滿百駟兵不盈萬人  
無郡邑土田之資無城池險阻之固獨立不懼氣吞羣  
兇以盡忠誓心以必死勵已以大順率衆以至誠動天

衆心攸同天意允答故措軍散地而不可拔致討勅寇而力有餘國危能安軍勝能整古所謂衛社稷者晟其當之播揚休風篆刻貞石俾厥後嗣無忘乃功銘曰

赫矣我唐受天眷命祖功祖德浸澤儲慶窮海請吏遐荒稟令寧一九服惠康萬姓三五以還莫之與盛迨予不類辱守丕圖燭理匪時立誠未孚蠢爾孽臣扇茲潰徒震驚朕師黷穢皇都宇宙沸騰人神睚眦重以統戎誘姦同貫播還斯載歲聿云半天既悔禍人胥厭亂乃

錫元臣夷兇剪叛昏祲茫茫橫流湯湯挺然孤軍在渭  
之陽我城非完恃順為防我旅非衆同心為強由義率  
人人皆嚮方萬事如一爭先啓行恟憤求逞畜威斯張  
力足勢全時惟鷹揚以戰則克以謀則臧指麾之間羣  
醜潛亡鯨鯢既平宮室既清軍伍無聲都人不驚成功  
禁暴自昔稀有寔天生德彰于厥後洋洋令名茲為不  
朽

幽州紀聖功碑銘

并序

李德裕

幽州盧龍軍帥檢校尚書左

集作右

僕射張公仲武往年

脩獻捷之禮今歲有銘勲之請二者君子躉之豈不以諸侯有四夷之功獻其戎捷春秋舊典也宗周納肅慎之貢銘於楛矢天子令德也斯可以為元侯表可以為後代法聖上嘉其動而中禮乃命宰臣採其尤集本文粹作元功傳於惇史臣德裕敢颺言曰夫兵者所以除暴害也愛人則惡其為害禁暴則惡其為亂雖睿智不殺化之以神至德允懷招之以禮然書有猾夏之戒傳有脩刑

之訓虞舜四征

二本  
作罪

乃成大功文王一怒以至無侮非

德教之助歟仁聖文武章天成功神德明道大孝皇帝

熙我大

二本  
作文

典煥而

二本  
作乎

光明極象外之微臻於至道

鼓天下之動致於中和慮必鈞深退而藏密故能神幾

獨照伐未兆之謀威光遠震制不羈之虜當其時也烽

燧迭驚

二本  
作警

羽書狎至人心大搖羣帥

二本  
作帥

沮氣皇帝

以軒后之威神漢高之大畧光武之雄斷魏祖之機權

合而用之以定王業此議臣之所以延

延字二本  
作不敢

望於

清光也倬哉天地應而品物生君臣應而功業成故龍躍而雲從鶴鳴而子和方叔伐獫狁蠻荆來威安遠擊車師西域震服宜有良將殿于朔邊張公禮閱戰器書

成傳癖張仲孝友子孺塞泉

二本作淵唐諱

留落

見漢書二本作流落

不

偶光景未耀明主雅聞竒志持印而拜將軍遙推赤心築壇而命元帥拔自雄武授之薊門果能精誠奮發策

慮愒憶

二本作福臆

千里獻籌一心憂國則知龍顏善將任

人傑而不疑日角好謀歎敵國而強意回鶻者本北狄

之裔也或曰獯狁或曰山戎五帝所不能臣三王所不

能制前史載之詳矣暨薛延陀之敗也酋帥吐迷度率

衆款塞太宗幸靈武納降立迴鶻部落置瀚海都督因

我封殖遂雄北方代

集作肅是

宗之戡內難也葉護以射鵬

之士親扈戎旌亦由羗髻率師以翼周北貊梟騎以助

漢既滅大憖乃疇厥功

集作庸

特拜葉護司空歲賜絹

二本

作緡二萬足厥後飾宗女以配之立宮室以居之其在京

師也淫

集作瑶

祠雲構甲第棊布棟宇輪奐衣冠縞素交



利者風偃扶邪者景附其翎

疑作翎

侯貴種則被我文績

帶我金犀悅和音馱珍膳蠲蠹上國百有餘年既而桀

驚無親天命不祐僭侈極欲神道惡盈本國荐饑畜產

耗半黠憂斯因利乘便遂焚龍庭區

文粹作墟

落蕭條陰燐

青熒今之烏介可汗亡逃失國竊號沙漠非我冊命自

為假王其來也瀰漫陰山瞬

二本作俾

睨高闕玄塞之下氛

霧蔽天質貴主以前驅依大國而求援或丐我朱繡救

其饑人或邀我甲兵復其故地外雖柔服內有桀心因

行人置辭徵呼韓故事願居光祿塞急保受降城其下

有二部曰赤心宰相那頡啜特勒赤心者天性忿鷙戎

馬尤盛初與名王盟沒斯首謀內附俄而負力怙氣潛

圖亂

集作屬

階為盟沒斯所給

文粹作招

誘以俱謁可汗戮於

帳下其衆大潰東逼漁陽上乃賜公璽書問

二本作授

以方

畧公以室韋悍

二本作函

之兵近我邊鄙俾其偵邏且禦

內侵尋以徵後不供為虜所敗由是介馬數萬連亘幽

陵伏精甲於松栲布穹廬於磧鹵散若飛鳥止如長雲

火燎于原不可嚮邇公激義氣以虹貫發精誠而石開  
竒計兵權密授髦雋乃命介弟仲至與裨將游奉寰王  
如清左敵萬李君慶張自榮高守素李志操率銳兵三  
萬建旆而前介胄雪照戈矛林植命以義殉壯由師直  
聲隆隆而未洩欲逐逐而不食戢以聽命嚴而有威公  
曰險道傾反且馳且射胡兵所以無敵也致之平原勒  
以方陣我師可以逞志也於是據于莽平環以武剛首  
尾虵伸左右翼張輕騎既合竒鋒橫鶩如摧枯株如搏

畜鬼攝虜者弗取陸梁者盡

二本

作皆仆虜侯王

集作

王侯貴人

計以千數然後盡衆服聽悉數係

二本

作索繫谷靜山空靡

有子遺索駝馱馱風澤而散梅墻罽幕布野畢收馬牛

幾至於谷量虜血殆同於用決徑路寶刀祭天金人竒

貨珍器不可殫諭乃命從事李周瞳馳傳上奏又命牙

門將周從玘繼獻戎俘皇帝受而勞之羣臣畢賀昔長

平七征驃騎六舉寶憲令

集作

合氏羗之衆陳湯檻城郭

之兵或生靈減耗士馬物故

文粹作

或此字

無邀功救

罪矯命專征然猶告類上帝薦功清廟顧視二漢不其  
忝歟以公威動蠻貊功在漏刻因命公為東面招撫回  
鶻使先是奚契丹皆有虜使監護其國責以歲遺且為  
漢謀自回鶻嘯聚靡不鳴張公命裨將石公緒等諭意  
兩部戮回鶻八百人雖介子討罪於龜茲班超行誅於  
鄯善未足儔也回鶻又遣宣闕

二本  
作門

將軍等四十七人

詭辭結歡潛伺邊隙公密賂其下盡得陰謀且欲馳入

五原大

蜀本  
作盡

毆雜虜公逗留其使緩彼師期竟得人病

馬瘖縮衄而退挫銳解紛繫公善計今烏介自絕皇澤

莫敢近邊并丁零

二本作令

以圖安依康居而求活盡徙餘

種屈意黑車寄託遠遁流離饑凍黑車亦依其威重迫

脅諸戎造謀藉

文粹作籍

兵解仇交質自謂約齋

二本作賚

深入

漢將取而未期渡漠

二本作幕

輕留王師往而非利公以壯

猷遠御

集作馭

長計羈縻不媮便嬖之使

二本作嬖

終盡

致

集作致

敵之術將時動而得雋豈歲數而勝微矧乎

明主杖

集作仗

將帥為爪牙視叛蕃為虎兕方獵猛

獸不翫細娛非周宣無以成名武

二本作  
虎唐諱

之勲非漢宣

無以聽營平之計勗哉上將光我中興公前後受降三

萬人特勒二人可汗沛一人大

二本無  
大字

都督外宰相四

人其他裨

二本  
作侯

王騎將不可備載王褒以日逐歸德稱

為人瑞班固以稽落盪寇大振天聲孰若天子神武百

蠻震疊

集作  
摺

乘其感國

集作  
困

臨以兵鋒割單于之旗納

休屠之附非萬里之伐無三年之勤巍乎成功輝焯後

代宜刻金石以揚鴻休銘曰

太和之初赤氣霄興開成之末大第雲凝

二本作彤  
雲暮凝異

鳥南來破賊之徵北夷颺掃厥國土崩逼迫遷徙震我

邊鄙長蛇去穴奔鯨失水上郡

二本  
作都

薊門近

集作  
兵

連干

里曾不畏天猶為驕子巧我邊轂邀我王師假我一城

建彼幡旗歸計強漢郅支嫚辭睥睨朔野伏莽見羸鴈

門之北羗戎雜處濺濺羣兇茫茫大鹵縱其梟騎驚我

牧圉猛若貔貅疾如風雨皇赫斯怒羽檄徵兵謀如泉

默斷乃霆

二本  
作雷

聲沉機變化動若神明沙漠之外

二本  
作北



虜無隱情漁陽突騎燕歌壯氣赴赴元戎耿耿虎視金

鼓誓衆干旄蔽地爰命介

文粹作其

弟屬之大事翩翩飛將

董我主軍稟兄之制代帥之勤威掠

二本作畧

火烈胡馬星

分戈迴白日

劍薄寒

二本作浮

雲天街之北旄頭已落絕轡

之野蚩尤未

縛俾我元侯恢弘遠畧終取

集作取彼

單于係

之徽索陰山寢烽亭徽橐弓萬里昆夷

集作吾

九譯而通

蠻夷既同天子之功儒臣篆美刊石

闕

鴻

文苑英華卷八百七十一

欽定四庫全書

集部

文苑英華卷八百七十二至  
四

詳校官庶吉士臣龍廷槐

助教臣常循覆勘

總校官進士臣朱鈺

校對官助教臣羅萬選

謄錄監生臣徐秉敬

欽定四庫全書

文苑英華卷八百七十二  
宋 李昉等 編

紀功二

平淮西碑二首

平淮西碑

韓愈

天以唐克肖其德聖子神孫繼承集作繼於千萬年做

新唐書藩鎮傳作敬戒不怠全付所覆四海九州罔有內外悉主

悉臣高祖太宗既除既治高宗中睿休養生息至于玄

宗受報收功極熾而豐物衆地大孽芽其間肅宗代宗

德祖順考以勤以容大慝適去稂莠不

集作已

媻相臣將

臣文恬武嬉習熟見聞以為當然睿聖文武皇帝既受

羣臣朝

集本唐書有乃字

考圖數貢曰嗚呼天既付子令

二本作天

既全付子

有家今傳次在予予不能事事其何以見乎

二本作于

郊廟羣臣震懾走職

二本集作奔走率職

明年平夏又明年平蜀

西川又明年平江東又明年平澤潞遂定易定致魏博

貝衛澶相無不從志皇帝曰不可究

集注作窮

武予其少息

九年蔡將死蔡人立其子元濟以請不許遂燒武陽犯

葉襄

集有等字

城以動東都放兵四劫皇帝厯問于朝一二

二本有外字

臣皆曰蔡帥之不廷授於

二本作于

今五十年傳三

姓四將其樹本堅兵利卒頑不與他等因撫而有順且

無事大官臆決唱聲萬口和附并

集注作併

為一談牢不可

破皇帝曰維天維祖宗所以付任予者庶其在此予何  
敢不力况一二臣同不為無助曰光顏汝為陳許帥維  
是河東魏博邵陽三軍之在行者汝皆將之曰重胤汝

故有河陽懷今益以汝維是朔方義成陝益鳳翔延慶

二字唐書作  
卿延寧慶

七軍之在行者汝皆將之曰弘汝以卒萬

二千屬而子公武集

集本無  
集字

往討之曰文通汝守壽維

是宣武淮南宣歙淮西四軍

二字唐書作  
徐泗五軍

之行于壽者

汝皆將之曰道古汝其觀察鄂岳曰愬汝帥唐鄧隨各

以其兵進戰曰度汝長御史其往視師曰度惟汝

集注  
有與

字予同汝遂相予以賞罰用命不用命曰弘汝其以節

集注有  
度字

都統討

唐書  
作諸

軍曰守謙汝出入左右惟汝

二本  
作汝

惟近臣其往撫師曰度汝其往飲食

二字唐書作衣服飲食集止作衣食

予士無寒無饑以既厥事遂生蔡人賜汝節斧通天御

帶衛率

二本作卒

三百凡茲廷臣汝擇自從惟其賢能無憚

大吏庚申予其臨門送汝曰御史予閔士大夫戰甚苦

自今以往非郊廟祠祀其無用樂頽瘠武合攻其北大

戰十六得柵城縣二十三降人卒四萬道古攻其東南

八戰降

集有卒字

萬三千再入申破其外城文通戰其東十

餘遇降萬二千愬入其西得賊將輒釋不殺用其策戰

皆二本有功十二年八月丞相度至師都統弘責戰益

急顏脣武集有戰益用命元濟盡并其衆迴二本以

備十月壬申愬用所得賊將自文城因天大雪走走字

作疾馳百二十里用夜半到蔡破其門取元濟以獻盡得

其屬人卒辛巳丞相度入蔡以皇帝命赦其人淮西平

大饗賚功師還之日因以其食賜蔡人凡蔡卒三萬五

千其不樂為兵願二本有為農者十九悉縱之斬元濟

集有於字京師冊功弘加侍中愬為右僕射帥山南東道顏



胤皆加司空公武以散騎常侍帥鄜坊丹延道古進大

夫文通加散騎常侍丞相度朝京師道

唐書作進

封晉國公

進階金紫光祿大夫以舊官相而以其副總為工部尚書領蔡任既還奏羣臣請紀聖功被之金石皇帝以命臣愈臣愈再拜稽首而獻文曰

唐承天命遂臣萬邦

二本作方

孰居近土襲盜以狂往在玄

宗崇極而圮河北悍驕河南附起四聖不宥屢興師征有不能尅益戍以兵夫耕不食婦織不裳輸之以車為

卒賜糧外多失朝曠不岳狩百隸怠官事亡其舊帝時

繼位顧瞻咨嗟惟汝文武孰恤予家既斬蜀吳旋取山

東魏將首義六州降從淮蔡不順自以為強提兵叫謹

欲事故常始

集作乃

命討之遂連奸鄰陰遣刺客來賊相

臣方戰未利內驚京師羣公

集作臣

上言莫若惠來帝為

不聞與臣為謀及

集注作乃

相同德以訖天誅乃勅顏脣懇

武古通咸統於弘各走爾

二本作各奏汝

功三方分攻五萬其

師大軍

唐書作兵

北乘厥數倍之嘗

集作常

兵時曲軍士蠢蠢

既剪凌雲蔡卒大窘勝

集作剪又注作遂

之邵陵郾城來降自

夏入秋復

集作復

屯相望兵頓不礪

二本作勵

告功不時帝哀

征夫命相往釐士飽而歌馬騰於槽試之新城賊遇敗

逃盡抽其有聚以防我西師躍入道無留者額額蔡城

其疆千里既入而有莫不順俟帝有恩言相度來宣誅

止其魁釋其

唐書作于

下人蔡之卒夫投甲呼舞蔡之婦女

迎門笑語蔡人告饑船粟往哺蔡人告寒詔賜

二本作賜以

繒布始時蔡人禁不往來今相從戲里門夜開始時蔡

人進戰退戮今眠

蜀本作  
作盱

而起左殮

集作  
餐

右粥為之擇人

以牧餘僣選吏賜牛教而不稅蔡人有言始迷不知今

乃大覺羞前之為蔡人有言天子明聖不順族誅順保

性命汝不吾信視此蔡方孰為不順往斧其吭凡叛有

數聲勢相倚吾強不支汝弱奚恃其告而長及汝父兄

二本作而  
父而兄

奔走來偕

集作  
偕來

同我太平淮蔡為亂天子伐

之既伐而饑天子活之始議伐蔡鄉士莫隨既伐四年

大小竝疑不赦不疑由天子明凡此蔡功惟斷乃成既

定淮蔡四夷畢來遂開明堂坐以治之

同前

段文昌

夫五兵之設本以助文德而成教化故聖人不專任之  
其有桀鷙暴邪干紀作孽道德不服則兵以威之文誥  
告一作不論則兵以靜之在禁暴除害而已自黃帝堯舜

不無能誅至湯武受命武功寔盛其本之以仁義行之  
以吊伐惟帝與王率由茲道於戲創業之君勞而後定  
守文之主安而忘戰故三代之衰功在五伯未有中葉

之後丹安生靈前古所無歸于聖代我唐運之興也高  
祖太宗以仁義之兵除暴隋之亂戎功祖武百代丕承  
玄宗嘗亦內剪奸邪外清夷狄所以繼文之代協帝之  
明既而禍起於微亂生於理由是髓髀之衆結固於兩  
河斤斧不用綿歷于五紀肅宗代宗

一無此  
二字

親剪大憝

且務生育德宗順宗觀于天象察於人事以理運未至  
沴氣猶凝運啓昇平以俟後聖惟我后握樞出震端宸  
嚮明考上玄之心思祖宗之意掃滌區宇光啓帝圖不

以萬乘為尊四海為富遵大禹櫛風之志有光武一夜  
之勤以為景擒七國而漢民安成剪三監而周化洽焉  
有患難未去而德教可興日者李一作惠琳恃近狄之固

劉闢憑坤維之險李錡保長江之衝從史資太行之阻

四兇相挺

一作扇

繼為亂常三數年間盡膏鈇鑕太尉茂

昭以中山之地盡室來朝司空弘正以全魏之邦舉宗

向闕義風所激莫不歸心况彭城從折簡之名

一作名非橫

海展執珪之覲向之談虞虢之存亡議輔車之形勢莫

不剗心斷臂繼踵為忠既而麟見於巴賈之間河清於

鄜衛之際固本根

一作固  
同本

之貺昭聖祚之符廓清寰海

兆於此矣而長淮右地連山四起控接

一作  
扼

吳楚密邇

輟轅有上帝濯龍之池同冀方多馬之國戈鋌雪照駟

駿雲屯二姓三兇憑阻作孽歲在甲午吳少誠積禍而

斃餘殃聚於逆嗣氛祲淮瀆我后方吊人省寃墾災除

穢猶命使者持節往申寵賻以昭柔服之義示含弘之

仁元濟劫衆拒境滔天肆逆剽葉縣燒舞陽侵襄城伊



洛之間騷然震恐乃詢廷議咸願假以墨經授以兵符

天子泉

一作淵  
唐諱

默以思寔馳以斷獨發宸慮不詢衆謀

漢宣從屯田之議晉武決平吳之計至聖不惑羣疑自

消於是會鳧藻之師得鷹揚之帥以忠武

二字一作中

軍帥

李光顏往者平朔邊靜庸蜀雙矛電激孤劍颯馳亦猶

馮異之總軍鋒子顏之將突騎才氣雄武可掃攬撻總

魏博河陽邵陽凡三軍自臨穎而前以河陽軍帥烏重

胤當從史內誅

一作誅  
非

邪謀外阻兵勢精誠奮發密

一作獨

應王師故得虜魏豹於軍中縛呂布於麾下識慮中正  
可革梟音益以汝海之地總朔方義成陝虢劍南西川  
鳳翔延州寧慶凡七軍由襄陽而進宣武帥韓弘請以  
子公武領精卒一萬二一作三千時集洄曲藥書作帥鉞  
為戎右克國討虜印統支軍是能從帥之命成父之志  
又以壽春守李文通夙精戎韜累習軍旅明於守備可  
保金湯總宣武淮南宣歙浙西徐泗凡五軍阨固始之  
險以鄂岳都團練使李道古以先曹王臯有任城之武

昔征兇渠嘗取安陸授以戎柄嗣其家聲乘五闕之隘  
以唐鄧隨帥李愬溫敏能斷靜深有謀昔趙孟慕成季  
之勲復能霸晉亞夫紹絳侯之武亦克擒吳想其英徽  
必有以似一作嗣 山南東道荆南凡兩軍自文成而東乃

命御史中丞裴度布挾纊之恩奉如絲之命以諭羣帥  
以撫輿師且以古之會兵必謀元帥令歸於一勢不欲  
分命宣武軍帥韓弘為諸道行營都統假陸遜之鉞拜  
韓信之壇指縱一作畫竒正之機發號中嚴凝之令然

後有司馬之法成

一無成字

節制之師而寒暑再懼賊巢未

下又命內掌樞密之臣梁守謙肅將天威盡護諸將懸

白日於千里推赤心於萬人由是甘寧奮升城之勇君

文勵擊郾

一作堰非

之志焚上蔡以剪其翼拔郾城以扼其

吭以軒后攻蚩尤之城

一作亂

殷宗伐鬼方之罪周公誅

淮夷之叛雖以聖討逆皆三年後定百辟之義且謂久

勞將決其機以安海內復命丞相裴度擁

一作持

淮蔡之

節撫將帥之臣分鄧禹之旄旆盛竇憲之幕府四牡業

業于藩于宣先是光顏重胤公武戎旅同心壘垣齊列

常

一作長非

蛇之勢首尾相從胡騎之雄紛紜縱擊逐餘孽

如鳥雀獵殘寇似狐狸干矛如林

二字一作杖

行次于洄曲

丞相之來也羣帥之志氣逾厲統制之號令益明勢如

雷霆功在漏刻賊乃悉其精騎以備洄曲之師唐隨帥

李愬新總傷痍之軍稍勵奔北之氣城孤援絕地逼勢

危而能養貌虎

唐諱

之威未嘗矍視屈鷙鳥之勢不使露

形是以收文成柵而降吳秀琳下興橋而擒李祐果敢

多畧衆以留之或謂蓄患不利吾軍愬誠明在躬秉信

不撓爰命釋縛授之親兵祐感慨之心出於九一作萬死

縱橫之計果効六竒粵十月既望陰凝雪飛天地盡閉

愬乃遣其將史旻仇良輔留鎮文城備其侵軼命李祐

領突騎三千以為鄉導自領中權一作軍三千與監軍使

李誠義繼進又遣其將田進城領馬步三千以殿其後

雲郊一作郊雲晦冥寒可墮指一夕卷旆凌晨斬一作破闕鋪

敦淮漬仍執醜虜雖魏軍得田疇為導潛出盧龍鄧艾

得田章先登長驅綿竹用奇制勝與古為儔四紀逋誅

一朝蕩定攄宗廟之宿憤致黎庶之大一作安周漢以

還莫斯為盛帝命策勳進弘為侍中光顏重膺竝為司

空想為左僕射帥山南東道公武加散騎常侍節制郾

坊丹延道古進御史大夫文通加散騎常侍王師獲金

爵之賞環境蒙優復之恩掩骼埋胔除瑕宥罪躋羣生

於壽域還比戶於可封東西南北無思不服丞相旋請

來朝後加金紫光祿大夫封晉國公乃眷淮瀆蒸人生

殖俾擇循吏撫其疾傷以宣慰副使刑部侍郎馬總領  
淮蔡之任天子議功雲臺追美將帥俾刻金石以揚休  
勲而百辟僉謀羣帥克讓推義士之志敢貪天功徵賢  
臣之言實在君德於是縉紳之士暨侯服之臣上獻鴻  
名式昭徽冊然後光輝千古聲名百蠻詔命掌文之臣  
文昌勒銘淮浦庶乎閱周雅者美宣王之中興觀劍銘  
者戒蜀川之恃險銘曰

天有肅殺萬物以成雷風為令霜雪為刑君有武節四



海以寧陳之原野阻以甲兵在昔聖王格寧邦國武以  
禁暴刑以助德牧除害馬農去蠱賊苟非戎功孰靜羣  
慝明明我后神算精微九重獨運千里不違宵衣旰食  
再安中寓始剪朔漠旋梟蜀虜丹徒鏃凜白門縛布服  
茲四罪豈勞一旅淮夷怙亂四十餘年長蛇未剪環境

一作  
寰宇

騷然逮于孽章逆志滔天懷柔匪及告諭罔悛帝

念生人乃申薄伐飛將鷹揚前鋒電發齋壇命信靈旗  
指越我武惟揚祆氛一作  
妖氣未滅集于洄曲決戰摧兇豹

備一作畧臨晉維留沓中桓桓襄帥奇謀成功一作應變無窮浮

嬰暗渡東馬潛攻合以長圍絕其飛走布穴弋一作德滅妖

升城獲醜商不易一作改肆農安其畝洄曲殘兵投戈東

手帝嘉羣帥賞不踰時畫社啓封珪組陸離泊于蠻貊

服我英威刺之金石作戒淮夷

文苑英華卷八百七十二

欽定四庫全書

文苑英華卷八百七十三 宋 李昉等 編

隱居

隱居貞白先生陶君碑一首

梓州射洪縣武東山陳居士碑一首

孝善

唐善人墓碑一首 高愍女碑一首

隱居

隱居貞白先生陶君碑

蕭綸

夫夜光結綠非胠篋之恒珍逸羽翔鱗豈園池之近玩  
寧期心於遠大蓋不知其所以然也是以潁陽高蹈洗  
耳於唐朝漢陰貞栖滅迹於周代盛德風流有自來矣  
應期而曜質者其在茲乎先生名弘景字通明本冀州  
平陽人也其先自帝堯陶唐氏之後胤堯治冀州平陽  
故因居止龍馬見五色之符欽明表八彩之瑞光宅於  
天下允釐於庶職洪源蔓遠系緒綿長漢興陶舍為高

祖右司馬子青翟位至丞相後至漢末南渡始居丹陽  
七世祖濬仕吳為鎮南將軍荊州刺史祖降宋南中郎  
叅軍事父貞寶司徒建安王國侍郎竝立履清約博涉  
文史先生含元精之和氣蓄陵颺之雅姿兼宣七善總  
脩九德行仁蹈義嶽峙淵渟墻仞無以覩清濁不能測  
道風與星漢同高勝氣與煙霞共遠六歲便解書能屬  
文七歲讀孝經毛詩論語數萬言曼倩幼習典墳公幹  
少誦詩賦方之於古彼有多慙是以岐嶷流聲黃中著

稱有鄉人得葛洪神仙傳見淮南八公諸仙事乃歎曰  
讀此書便使人有凌雲之氣於是寢興諷誦晨夜不輟  
年二十七為宜都王侍讀總知管記事榜道求賢焚林  
招士朝難其選是曰得人阮瑀之書記不足扶衡孫楚  
之才辭何以捧轂齊代好治宮室方脩苑囿清溪舊觀  
更就起築仍奏表上頌辭事兼美邁彼樂職之篇踰乎  
景福之製帝省覽久之益以為善除奉朝請恪居官次  
夙夜惟寅春朝秋請是棧樸者也先生本不希榮常欲

辭退乃與親友書曰疇昔之意不願處人間年登四十志畢山藪今三十六矣時不我借知幾其神乎無為自苦明年遂拜表解職抽簪東都之外解組北山之陽同稷邱之栖真慕留侯之却粒便具舟楫永言東邁朝廷錫問時賢餞別祖以二踈招茲四皓超然輕舉異世同符爾乃杖策孤征游踐山嶽既而至于句容登於茅嶺以此地神仙之官府靈異之栖託往不能返遂卜居焉先生曰夫子云隐居以求其志行義以達其道吾聞其

語未見其人我今義通無復其一請同求志之業故自  
稱隱居亦猶稚川之抱朴士安之玄晏倚巖栖隱依林  
遁跡交柯結宇剗徑為門懸崖對溜悲吟灌水深壑絕

藝文類  
聚作危

峭組織煙霞枕石漱流水禽無撓採藥耦耕野

獸不亂逍遙間曠放浪陵山

一作邱

嗒然若喪確乎難拔

屬齊末道消天命既否水闔穀洛地震由辰先生靜思  
冥數預識徵兆於是近遠書問悉皆杜絕昔乃聞之夏  
甫今則見之先生我大梁休運應期受天明命三辰開



朗四海寧謚先生奉表稱慶於是信問復通天監以來  
常有勅旨供給藥餌不乏歲時渥澤湛恩莫之與比先  
生七年暫游南嶽茲山也譬閭風之地軸若崑陵之天  
鎮八桂傍臨九純間設樹有琅玕草生車騎遺世獨往  
是用忘歸一十年有勅遣左右司徒惠明徵還先生茅  
山別給解宇軒后之降精一作情天老漢帝之致禮河宗  
况於茲日弗能尚也養志山阿多歷年所攝生既善冥  
祥亦降猛獸不據魑魅莫逢庭無荆棘遠同闕里階吐

神泉運動

闕

於是羽人徘徊仙客上下鸞鳳游集芝

英豐潤大造佛像爰及寫經起塔招僧備諸供養自誓

道場受菩薩法夢登七地又得嘉名具以啓聞蒙勅許

可葛玄之夢見開士朱鸞之遠望尊儀何以擬茲通感

足此徵應以大同三年歲次景

計其時當作丙  
疑唐人避諱

辰三月

壬寅朔日癸丑告別年化春秋八十有一天子嗟惜儲

皇軫悼有詔稱譽追贈中散大夫謚曰貞白先生禮也

以其月十四日寔于丹陽郡句容縣雷平山若軒轅之

墓衣冠如王喬之藏劍鳥化於茲日可得偶

一作馬先紀

生器宇凝深思識精贍含章貞吉不脩廉隅年將中壽  
匪踰於矩眉目䟽朗儀貌鮮潔實亡勸沮多行德惠恠  
惜光景愛好墳籍篤志勵節白首彌至若乃淮南鴻寶  
之訣隴西地動之儀太一遁甲之書九章歷象之術幼  
女銀鈎之敏允南風角之妙太倉素問之方中散琴操  
之法咸悉搜求莫不精詣爰及卞射荀綦蘇卜管筮一  
見便曉皆不用心張華之博物馬鈞之巧思劉向之知

微葛洪之養性兼此數賢一人而已門人恒法闔等慕  
遙風於緱氏繪遺像於橋陽勒玄碑而相質騰絳霄之  
流芳乃為銘曰

留鳥表化棄劍凝神徘徊紫氣照耀丹鱗厥跡猶在餘  
風可遵誰其嗣此淵哉淑人高行邁種盛德日新朗猶  
懸鏡儻似貞筠身以弘道行不違仁昔游纓綬頡頏縉  
紳厭乎匡救勞彼問津亦既解組乃襲山中遠尋丘壑  
高蹈風塵情無緬世隱不隔真結宇依巖負棲茂草水

玉留年華精却老乃有令問兼斯壽考泉過危庭峯臨  
窈洞露凝蘭階雲生桂棟日斜欄席花落窻甕尚平未  
反王孫不旋海桑交易陵谷貿遷豐碑有樹遺烈無騫

梓州射洪縣武東山陳居士

集作故居  
士陳君碑

陳子昂

君諱嗣字弘嗣其先陳國人也漢末淪喪八代祖祉自  
汝南仕蜀為尚書令其後蜀為晉所滅子孫避晉不仕  
居涪南武東山與唐胡白趙五姓置立新城郡割制二

縣而四姓宗之世為郡長蕭齊之末有太平者兄弟三人為郡豪傑梁武帝受禪網羅英豪拜太平為新城郡

守尋加本州別駕弟太樂太濛為黎州長史督護二字集作

都督南梁二郡太守樂為本郡文粹司馬即君之高祖州

父也生魯祖方慶好道不樂為仕得墨子五行秘書集

而字隱于武當山生烈祖湯仕郡為主簿遇梁季喪亂避

世不仕生皇考廣文粹無迴迴早卒君即迴之第二子

也少孤而有純德恭已飭二本行一日三省家世本以

清白崇德迨君之孤素業空矣君有二兄養母以孝君克順至行同勤苦節夏不避暑冬不避寒烝烝服事行年四十有五入則孝出則悌謹而信汎愛衆而親仁無餘力也以是不優於道逮親終沒春秋已高從仕

二本  
作事

不可以養矣乃輟干祿之學脩養生之道山壑高居農野永歲雅聞漢有王丹者故居不仕家累千金以自奉田稼勤者載酒肴從之鄉里承化以相懲沮乃歎曰彼王丹者足以

集無  
以字

為政矣奚其為為政也由是始考林

澤闢良田習山書務農政天道時變地道化成丘陵泉

文粹作淵

數星歲雲物靡不用心也

文粹無也字

原田莓莓粳黍

稷稷

文粹作黍稷漠漠

汶陽之稼如雲矣春日

二本作也

載華歲聿

其秋白露時降百穀收熟君嘗乘乎肩輿省農夫饋田

峻刑以肅惰悅以勞動若孫吳之用兵鷙鳥之搏擊也

倬彼碩

文粹作甫

田歲取十千倉廩實崇禮節恤惇寡賑窮

乏九族以親之鄉黨以歡之居十餘年家累千金矣其

鄰里有媮衣食帶刀劍椎埋胠篋之類闔雞走狗之豪



莫不靡下風馴雅業

文粹作素節  
集作雅素

曰里有仁焉吾何從

文粹有  
之字

也遂頓浮窳之節肅恭儉之規脩孝悌飭

二本  
作飾

廉恥將欲較君

二字文粹  
作効君子

之素業也君時年已耳順素

無經世之情林園遺老玄默忘歲遂保先君武東山之

故居行不由徑非公事未嘗至於州縣也昔襄陽有龐

德公谷口有鄭子真東海王霸西山蜀才皆避

集有世  
之二字

人養德退耕

集有  
以字

求志軒冕不可得而羈憂患不可得

而累迨于我君作者五人矣於戲古者至人不利苟得

不務近貴量腹而食度身而衣非其道萬鍾不足豐也

匪

二本  
作非

其榮五鼎不足飪也躬勤耕稼植其杖而芸不

答子路之問者其

集無  
其字

豈我君之徒歟綿綿羅網冥冥

高鴻趯趯竹竿穆穆幽龍其與禍敗之遼絕胡楚

集無  
此字

越

文粹作  
如胡越

哉然則兩龔不免於蘭焚二老不免於薇歎

其近貴利耶夫上無憂悔下無饑寒合

集作  
含

道以制嗜

慾達命以順生死仁以愛身智以養德俾爾耆而艾俾

爾昌而熾君子保之以永壽考非我君者

文粹無  
者字

乎享

年八十五歲壬辰五月十三日考終厥命臨終誠曰啓  
余手啓余足我聞古人有言珠玉而瘞之是暴骸於中  
原也古者不封不樹後代聖人易之以棺槨吾不敢違  
聖人可具棺槨而已斂以常服墳無邱壠吾將庶幾以  
奉先人之清業也有子某某等皆能祇奉遺訓聿從先  
志長壽二年龍集癸巳某月朔某日亥月載踰卜兆時  
吉始啓殯昭告奉遷於舊塋武東山之陽禮也鄉里會  
葬者千餘人皆涕泣號慕悲純德之不見咸曰君子沒

矣仁

文粹  
作人

何以名陵壑

集作  
谷

不朽匪惟頌聲小子不敏

謹

文粹  
作請

述鄉人之教其辭曰

肅肅我祖國始於陳中裔淪喪泊

集作  
沮

此江濱山川隆

鬱旂鼎氤

二本  
作氤

氤挺生君子

悌唯仁善鄰樂我耕稼忘我緡紳芸芸

二本  
作芸

田藪歲

也其春農事方作

二本  
作農人  
肅事

君子犒勤孰為夫子植杖

而耘弋者何慕

集作  
慕

鴻冥

集作  
飛

高雲楚狂懼世夷叔求

仁良圖

文粹  
作時

終矣不考于身我異於是非隱非淪撫化

隨運安排屈伸大

二本  
作天

年既沒長夜何辰聖達不免宇

宙同塵桐棺三寸豈我窶貧自古有禮

文粹作  
死非

吾從聖

人嗟爾百代子子孫孫驕奢自咎天道無親思我松柏  
恭儉是遵

孝善

有唐善人墓碑

白居易

唐有善人曰李公公名建字杓直隴西人魏將軍申公  
發公十五代祖也周柱國陽平公遠六代祖也緩州刺

史明高祖也太子中允進德曾祖也綿州昌明令珍王  
大父也雅州別駕贈禮部尚書震考也贈博陵郡太君  
崔氏妣也陳許節度使禮部尚書遜兄也渭源縣君房  
氏妻也容管招討使濟外舅也長慶元年二月二十三  
日夜無疾即世于長安脩行里第是歲五月二十五日  
歸附于鳳翔某縣某鄉某原之先塋春秋五十八有二  
女五男曰訥朴恪慤碩公官歷校書郎左拾遺詹府司  
直殿中侍御史比部兵部吏部員外郎兵部吏部郎中

京兆少尹澧州刺史太常少卿禮部刑部侍郎贈工部

尚書職歷容州招討判官翰林學士廊坊集作州防禦副

使轉運判官知制誥知集無吏部選事階中大夫勳上

柱國爵隴西縣開國男有史官起居郎渤海郡集無高

越集作作行狀有翰林學士中書舍人河南元稹作墓

誌有尚書主客郎中知制誥太原白居易作墓碑大署

其碑曰善人墓善人者何公幼孤孝養太君太君老疾

常曰後子勸吾食吾輒飽勸吾藥吾意其疾瘳後子公

小字也及長居荊州石首縣環其居數百家凡爭鬪稍  
稍就公決公隨而評之寢及鄉人不詣府縣皆相率曰  
請問李君公養有餘力讀書屬文業成與兄遜起應進  
士俱中第為校書時以文行聞故德宗皇帝擢居翰林  
翰林時以視草不詭隨退官詹府詹府以貞恬自處不  
出戶輒踰月廊帥路恕高之拜請為副在廊時有非類  
者至以病去為御史時上位有過集作過其行事者作謬  
官詩以諷為吏部郎中時調文學科暨吏課高者得無



停年又省成勞文

集無文字

急成狀限繇是吏

集作史

革無緣

為姦詭

集作訖

今選部用其法知制誥時筆削間有以自

是不屈者因請告改京兆少尹時與大尹議歲減府稅  
緡十三萬在澧時不鞭人不名吏居歲餘人人自化在

禮部時由文取士

集作生非

不聽譽不信毀公為人質良寬

大體與用綽然有餘裕為政廉平易簡不求赫赫名與  
人交外淡中堅接士多可而有別稱賢薦能未嘗倦好  
議論而無口過遠邪諛而不忤物其居家菲衣食厚賓

客敬兄嫂禮妻子愛甥姪初先太君好善喜佛書不食肉公不忍違其志亦終身蔬食自八九歲時始諷詩書

日三百言諷畢盡得其義善治

集作理

王氏易左氏春秋

前後著文凡三百五十二首皆詣理撮要詞無枝葉其卓然者有詹府司直比部員外郎廳記請雙日坐疏與梁肅書上宰相論選事狀秉筆者許之薨之日不識者惜識者歎交遊者出涕執友者慟夫如是其善人乎傳曰善人國之紀也語曰善人吾不得而見之矣噫善人

之稱難乎哉獨加於公無愧焉銘曰

古者墓有表表有云顯其行省其文故季札死仲尼表其墓曰君子今吾喪李君署其碑曰善人嗚呼李君有知乎無知乎君之名與此石俱

高愍女碑

李翱

愍女姓高妹妹名也生七歲當建中二年父彥昭以濮陽歸天子前此者有二字集質妹妹與其母兄者集作

使彥昭守濮陽及文粹彥昭以城歸妹妹與其母兄皆作反

死其母李氏也將死憐妹妹之幼無辜請獨免其死而

以為婢于官

二字文粹作衆

皆許之妹妹不欲曰生而受辱不

如死母兄

集有且死二字

皆不免何獨生為其母與兄將被刑

咸拜於

集作于

四方妹妹獨曰我家為忠宗族誅夷四方

神祇尚何知問其父所在之方西嚮哭再拜遂就死明

年太常諡之曰愍當此之時天下之為父母者聞之莫

不欲愍女之為

集有其字

子也天下之為夫者聞之莫不欲

愍女之為室家也天下之為女與妻者聞之莫不欲愍

女之行在其身也昔者曹娥思夫自沉于江獄吏疇囚  
章女悲號思唁其兄作詩載馳緹縈上書廼除肉刑彼

四女或孝或智或仁或義噫此愍女厥生七年天至

集作

生其知四女不倫向遂推而布之于

集作於

天下其誰不

從而化焉雖有逆子必改行雖有悍妻必易心賞一女  
而天下勸亦王化之大端也異哉愍女之行而不家聞  
戶知也貞元十三年翱在汴州彥昭時為潁州刺史昌  
黎韓愈始為余言

一有之字

余既悲而嘉之於是作高愍女

碑

文苑英華卷八百七十三

欽定四庫全書

文苑英華卷八百七十四 宋 李昉等 編

遺愛

河西節度使杜公碑一首

義武軍節度使張公遺愛碑一首

高陵令劉君遺愛碑一首

河西節度使杜公碑 楊 炎

周有召伯樹王風之始漢得留侯稱佐命之傑功赫於

帝典名鏤於河圖維唐之受命大殪戎於西周皇帝感  
黷武之風思二南之化詢求卿士惠澤窮荒乃命兵部  
侍郎杜公名鴻漸自河登車主盟西塞公英明博達淳  
粹先覺碩德漢庭之老中興佐命之勛體合一氣精合  
五老伊昔皇運中否河海風塵天子方僞遊北門之野  
公負霸王之畧感社稷之危緬懷風雲以身許國隱括  
王道旁觀歷象謂宇宙不可終閉兆庶不可無君龍吟  
空山雲起大澤追昌言以排世難告天命以成帝業日



月盡

一作畫

蝕載之高懸鯨鯢躍波幾而為醢史

一作吏也

秦

疑作奏

嚮天之樂儒也觀嗣夏之書故登朝為夔龍纂

戎為方召至於是邦也清其心而妙其用厚其惠而感  
其和與物也氣之陽春含靈也工之橐籥以為擴俗不  
足以勸賞故先悅以茂功貪人不可以害羣故問罪以  
去奸訛言不可以疑衆故畢詞以為戮於是八藩以之  
匍匐三師以之投褒疑羣盜以之出奔巫人以之伏死  
古之作者不貴成功貴以德不憚濟世憚先仁樂生下

齊明道者謂其強孫武講軍事上者知其固西門禱河  
明刑者恨其暴子玉佐楚治兵者慮其剛而公形體兼  
才智周乎萬籟之變嚮合乎四會之中是神降歟詩云  
愷悌君子民之父母其來也邱陵如無其去也風雨可  
懷故吏兼侍御史唐朝英洎邑老其州長吏陳奉先等  
以炎耳目馨香託之篆刻庶乎覩斯文者有襄南之慕  
頌遺美者深頴上之風銘曰

或或杜公蚪蟠于奧人美其華我覩其操王用暮晝大

邦以造三錫輅車纂戎之號威肅惠時明神所勞何彼  
塞翁靡人仁報徘徊頌石永代作好

唐故義武軍節度使營田易定等州觀察處置  
使開府儀同三司檢校司空同中書門下平章  
事符陽郡王贈太師貞武張公遺愛碑銘并序

權德輿

維唐十二葉皇帝纂太統建大中始初清明敷佑下土  
稽四征六服之理閱先正宗臣之籍流慶斯復遺風可

懷繇是博陵上谷列侯二千石元僚司武從事亞旅上  
其故府太師貞武公功德請銘于碑以示厥後乃詔小  
司徒臣德輿因地域之名物酌軍師之憲令舉而叙之  
云公諱孝字達忠其先燕人八代祖竒北齊右北平太  
守封右北平王齊季喪亂實開邊隙代有長技軼於外  
區魯王父靖乙失活部落節度使王父遜部落刺史父  
謚早襲先職來朝上京星環北極輸君長之贄幣鵬變  
南溟發邊關之導譯拜開府儀同三司他日以公之勤

累贈至戶部尚書公雄姿正志沉毅英達傳兵符於百  
勝襲王爵於九代年未弱冠入侍明庭才為異倫射必  
命中以日磳之信愛受秦仲之車服自他有耀至是來  
歸時玄宗御天下四十餘載習文事而去武備人不知  
戰恬於已然幽陵首禍穀洛恆駭公跡染汙俗心堅本  
朝豈求生以害仁將蹈難以明義史羯繼亂猶居劫中  
質其所恃無路自奮問道旁午密陳嘉猷俄而成德軍  
節度李寶臣錫姓撫封同信臣之任就義若渴推心於

公綜其都軍以壯支郡乃策崇勲累居大官凡軍師之  
禁令攻守之奇正成德之重必咨於公隣帥猖獗皇赫  
問罪公出自上谷覘于具邱寇徒六萬將犯中冀乘轅  
外嚮方陣而前公以駟介千數颺馳急擊突入其阻夾  
攻其堅敵人力屈昏夜引去遷御史中丞封符陽郡王  
尋拜易州刺史加太子賓客以軍之輯睦移於郡以郡  
之班制叶於軍文理武毅交脩四暢師貞人誦為列郡  
表儀初公與寶臣感慨於少年之場周旋於多難之際

迎導善氣切劘良規若驟有斬如熱斯濯異時自代前  
定於公且曰輿師之心也勲力之冠也俄然寢疾瘖不  
能言猶以手指北矐然注目既而惡子阻命陰交匪人  
因喪以干紀專地而圖禍公驟諫不入飛章上陳請以  
州兵首過亂畧優詔拜工部尚書兼御史大夫恒州刺  
史成德軍節度使一人注意四履專征糾合諸侯連收  
城縣敗之於東鹿走之於常山以至斬首且無遺策轉  
兵部尚書易州刺史易定滄等州節度觀察使錫軍號

曰義武時三分恒陽之地錄功有差而羣帥彥心或懷  
舛望太行而東疆場日駭且有從約皆為假王公居其  
腹心守正持重玉立於磷緇之際雞鳴於風雨之中靜  
柯勁草在我而已彼朱滔者以燕啗公夸大煽結譁張  
指斥公乃出和門以蒞衆援暎日以誓心義利之間死  
生不惑且曰縣官之所以賦軍宿兵下尺一之詔者在  
排難捍一作扞患而已吾徒之所以乘堅驅良佩丈二之  
組者在畢力致命而已碎首塗地吾無悔焉一心事君



四面受敵俄屬京師急變鑿輅時巡時太師西平王以  
禁兵自魏來援于我於是與公決策赴行在所公素約  
以伯仲又申之婚姻分銳師選良將授以赴蹈使居顏  
行斷金之契匪石不轉定山東為已任坐制羣疑清轂  
下為前籌行戡大憝赤誠相照血涕交頤西平繇是建  
大勲立大烈而公亦靜深以制動貞厲以伐謀使其徒  
集作從散約而無亡矢遺鏃之費者公之功也前此拜尚  
書左僕射至是同中書門下平章事貞元元年就加司

空凡受律行師十有一歲永寧諸侯減黜不端動有節  
制人斯愛戴贍助其供養賻補其禮喪拊循接禮勞徠  
安輯輔以正德而不怵於邪濟以守忠而不回於利章  
灼卓異有初有終其居涼國太夫人憂也手植松檟倚  
廬於墓感致瑞祉詔旌其門終身之哀加人一等不遺  
故舊皆以器使戲下多善吏庭中無留事雖古人之威  
懷無以過焉春秋六十二以七年三月感疾薨于位德  
宗皇帝不視朝三日冊贈太傅詔郎吏吊祠法贈有加

其後累贈太師易曰貞武追封上谷郡王易之大有曰  
信以發志禮之中庸曰誠之不可揜惟公推本於是閭  
然而彰德宇弘大色容厲肅長才經武奇表出倫喬枝  
憂雲以直上雄劍發匣而耀穎始以天寶十載受詔即  
戎授范陽郡洪源府右果毅破九姓突厥改上黨郡漳  
源府折衝乾元初轉左領軍衛翊府左郎將實鎮飛狐  
之地寶應中拜左武衛大將軍加金印紫綬歷左金吾  
大將軍兼太僕卿殿中監以至于專席賓護剖符建牙

載居六官乃進左揆燮和鼎飴平理水土真食大封異  
姓而王積功伐以崇厚履信順而光大壯武之後遠繼  
公台富平之門時推德器豈徒然哉嗣子今司徒同中  
書門下平章事延德郡王茂昭以全才休績保大宣力  
戴翼天子撫征諸侯常以工部尚書建旗博陵以刑部  
尚書循方伯之職特詔所理郡為大都督府經歷左僕  
射司空丞居代官南北軍衛爪牙上將同氣分職寵冒  
一時侯王則銀黃相映子弟乃金埒對起流光貽訓其

信矣乎二十年延德王以介圭四牡來朝京師德宗沃  
心嘉歎宴喜蕃錫如韓侯申伯故事順宗繼明崇德報  
功及居台宰進掌邦教敦喻還鎮涕洟就途今皇帝以  
道御天下燭明理本間歲再入覲為守臣龜龍乞留京  
師以奉朝請堅若金石激以肺肝服勤王家丕赫宸睠  
感念勲節顧懷義方直以鄭武公桓公漢韋平父子古  
先懿鑠舉集公門二邦幼艾千夫長百夫長沐浴風烈  
怵惕慕思是儀古式以永耀斯不朽之事也拜君命之

辱而傳信焉銘曰

天秉日星亦有風霆君用文德亦資武力太師矯矯生  
我王國時或艱屯師惟壯直大蹇朋來其心不回好謀  
而成義路乃開博陵上谷地直柝木既夷校童則理長  
轂威謀抗厲命賜渥綬回回盜泉皦皦嘉玉凡我所履  
與之豐福士皆賈餘人以仰足珣戈袞章裕此一方追  
錫吊祠禮優職喪司徒襲慶道叶仁聖三朝戴君皆受  
四命覲禮煌煌嘉猷洋洋湛露彤弓威儀有光甘棠蔽

芾邵伯所憇緇衣改為鄭國之詩仍代洪集作休烈邦人  
戴之永言寘懷乃刻斯碑

高陵令劉君遺愛碑

劉禹錫

縣內之大夫鮮有遺愛在其去者蓋邑居多豪政出權  
道非有卓然異績結于人心浹于骨髓安能久而愈思

大和四年高陵人李仕

集作上

清等六十三人思

集作具

前

令劉君之德詣縣請金石刻之縣以狀申于府府以狀  
考于明法吏吏上言謹按天寶詔書凡以政績將立碑

者其具所紀之文上尚書考功有司考其詞宜有紀者  
乃秦明年八月庚午詔曰可令書其章明有以結人心  
者揭于道周云涇水東行注白渠醜而為三以沃關中  
故秦人常得善歲按水部式決洩有時畎澮有度居上  
游者不得擁泉而顛其腴每歲少尹一人行視之以誅  
不式兵興以還寢失根本涇陽人果擁而顛之公取全  
流浸原為畦私開四竇澤不及下涇田獨肥他邑為枯  
地方集作力既移地征如初人或赴訴泣迎尹馬而上涇



之腴皆權倖家縈勢足以破理訴者覆得罪繇是咋舌

不敢言吞冤含忍家視孫子長慶三年高陵令劉君勵

精闕治視人之瘼如煙集作疽在身不忘決去乃脩故

事考闕文暨前後詔條又以新意請更水道入于我里

請杜闕使無棄流請遵田令使無越制別白織集作

悉列上闕掾吏依違不決居三歲距寶厯元年端士

鄭覃為京闕九月始具以聞事下丞相御史御史屬

元谷實司察闕詔書詣渠上盡得利病還奏青規中

上以谷奉使有

關

俾太常撰日京兆下其符司錄姚

康士曹掾李紹實

關

縣主簿談孺直實董之冬十月

百衆雲奔憤與喜并口

關

力集作手

運不屑鑿

集注作鑿

鼓揆

功什七八而涇陽人以奇計賂術士上言白渠下高祖

故墅在焉子孫當恭敬不宜以畚鍤近阡陌上聞命京

兆立止絕君馳詣府控告具發其以賂致前事又謁丞

相請以頴血汗車茵丞相彭原公斂容謝曰明府真愛

人陛下視元元無所恠第未周知情偽耳即入言上前

翌日果有詔許訖後仲冬新渠成涉季冬二日新堰成

駛流渾渾如脉宣氣蒿荒漚冒迎

稻

集作  
稻是

斯釋

集作  
什什

開

塞分寸皆如詔條有秋之期投鍤前定孺直告已事君

率其寮躬勞徠之烝徒謹呼奮襪襖而舞咸曰吞恨六

十年明府雪之擿姦犯豪卒就施為嗚呼成功之難也

如是請名渠曰劉公而名堰曰彭城按服引而東千

闕

百步其廣四尋而深半之兩涯夾植杞柳萬本下垂根

以作固上生材以備用仍歲旱沴而渠下田獨有秋渠

成之明年涇陽三原二邑中又擁其衝為七堰以柝

集作

折水

闕使下流不厚君詣京兆索言之府命從事蘇特

至水

闕

撤不當擁者繇是邑人享其長利生子以劉

名之君

闕

師字行興彭城人武德名臣刑部尚書德

威之五代孫

闕

歷中詩人商之猶子少好文學亦以書

書字集

作籌畫干東

闕

侯遂叅幕府歷尹劇縣皆以能事見陟

卒不時而遷既

闕

于高陵轉昭應令俄兼檢校水曹

外郎充渠堰副使

闕

朱衣銀章計相愛其能表為檢

校屯田郎中兼侍御史

關池監

集作幹  
池鹽

于蒲錫紫衣金

章歲餘以課就加中


中字一作  
司勳正郎

執法理人為循吏理財

為能臣一出於清白故也先是高陵人蒙被惠風而惜  
其捨去發于胃懷播為聲詩今采其旨而變其詞志于  
石文曰

噫涇水之逶迤溉我公兮及我私水無心兮人多僻錮  
上游兮乾我澤時逢理兮官得材墨綬紫兮劉君來能  
愛人兮恤其隱心既公兮言既盡縣申府兮府聞天積

憤刷兮沉疴痊劃新渠兮百畝流行龍蛇兮止膏油遵  
水式兮復田制無荒區兮有良歲嗟劉君兮去翺翔遺  
我福兮牽我腸紀成功兮鑄美石求信詞兮昭懿績



文苑英華卷八百七十四

欽定四庫全書

集部

文苑英華卷八百七十五至

七

詳校官庶亨臣龍廷槐

助教臣常循覆勘

總校官進士臣朱 鈐

校對官助教臣羅萬選

謄錄監生臣徐秉敬

欽定四庫全書

文苑英華卷八百七十五

宋 李昉等 編

臺

攀龍臺碑一首

攀龍臺碑

李 嶠

粵若太極始構氤氲含五氣之精元貽既分鼓舞立三才之位由太朴而觀成象自流形而臻物備因乾坤之變化相后辟之經綸則知肇創雲雷非一聖之事奄荒



區夏由浸昌

一作崇

之業是以岐鄴受命武王戡商野之

戈譙毫開基文后遷漢宮之鼎若乃提六合之樞紐扣

二儀之鐳鑰日月既出方利

闕

於通三風雲未知

一作和

尚勞謙於初九蓄宏圖於緣鶴

用伊尹事  
鶴通用

之邸垂慶緒

於斷鰲之運屈伸應物而無累於時進退隨方而不違

於道非聖人之睿智其孰能與於此乎大周無上孝明

高帝諱某字某太原文水人也其先出自周平王少子

有文在其手曰武因以姓氏居沛之竹邑晉尚書僕射

開府儀同三司薛候陝其後也六代祖洽仕魏封於晉  
陽食采文水子孫因家焉夫其受氏中古開階上業軒  
轅以青龍進駕配永循機少昊以玄鳥名官修方正度  
高辛之首戴干盾后棄之躬勤稼穡或四妃分孕隨肩  
執天下之圖或三聖連衡踵武司域中之契宗支繼明  
而襲嘉帝載重熙而累洽雖七百休祚暨遷於質文而  
九王尊名復光於歷數自非慶鍾長發神應遠期人鬼  
贊其謀猷乾坤扶其統緒豈能出入百代周旋萬晷至

道淳風未昏而已且洪鑪大寶既舊而還新家纂迎日  
之符門傳配天之業環三辰於斗極不足比其崇高灌  
四瀆於滄溟未能儔其深遠若夫振氓育德屈道不王  
烏奕於昭穆之間頡頏於公卿之位蓋詳諸博史可得  
而畧高祖成皇帝宏才碩量經文緯武魯祖章敬皇帝  
達學通儒金聲玉振大父昭安皇帝心冥道德志挾九  
區顯考文穆皇帝理會幾神名高四海帝即文穆之第  
四子也母文穆皇后嘗祈晉祠於水濱得文石一枚大

如鷲卵上有紫文成日月兩字異而吞之其夕夢日入  
寢門光耀滿室已而懷孕遂產帝焉及載誕之宵夢人  
稱唐叔虞者謂后曰余受命于帝保護聖子驚寤而帝  
已生明日紫氣氤氳覆冒其城

一無此字

上俄而化為五色

髣髴若文綉之衣左右親賓莫不駭異及長龍顏方面  
身長八尺背有黑字象北斗之形昔者禱于郊禱拾卵  
而興王業游乎溫洛吞珠而立帝期疑譙宮誕而青氣  
發祥猗殿生而丹曦授彩亦有御蘭感夢皇天之命伯

儵剪葉開封上帝之名太叔咸躋未然之兆竝獲將來

之應猶不能比蹤神貺埒美聖符况乃龍顏武肩帝王世紀

文王龍顏虎肩有含良春秋元命苞文王四乳是謂含良之骨法載鈴懷斗似

高密禹之字也之容狀是故生而聖知幼而聰達敏給

於論天之始狗齊於對日之初甫及勝衣究緹緗之順

疑作續逮乎束髮殫擊悅之巧淳深孝悌之性闇發天機

弘裕仁慈之風匪因師習太后嘗被重疾不愈經時帝

扶侍起居品嘗藥物僅踰蒼舒秤象之歲未及子建誦

詩之年履不正絢衣不解帶及丁荼蓼號慕嘔血七日  
無水漿之膳三年罷鹽酪之滋扶杖而行殆至毀滅雖  
孝文之服勤累載高宗之諒陰三祀無以加也常有  
大節罕營小方志立功名而不求苟得心重氣俠而動循  
常憲道德深富規模弘遠曠心將江海齊逸宏量與宇  
宙同寬是以單父通人識其殊異之表大梁竒士許以  
霸王之畧文穆皇帝一作則哲之鑒恒易其難惟幾之  
神每前其用嘗從容謂諸子曰吾家累仁千祀積德重

葉餘慶所及宜在子孫今觀汝曹悉王佐才也然草創  
經綸之際聖賢馳騫之秋騰嘯而馭風雲叱咤而成功  
業其在士護耳以如天之聖用知子之明隱括所在錙  
銖不繆豈如趙邦謀嗣唯驗於臧寶楚國擇才更憑於  
埋璧及文穆之棄代也帝廬于墓塋負土成墳手植松  
栢喪紀之節復如居穆后之哀有芝草生于廬前羣鳥  
一作雀數萬銜土集于墳上山中舊多猛獸行李艱阻至  
是皆逃竄絕迹時人以為純孝之感焉隋高祖雅聞帝

名屢加辟召友人同郡叔孫賀博通之士也陰陽術數無所不談謂帝曰公狀貌非常但玉埋未發耳終居人上勿為事先帝亦知隋統將終乃稱疾不應漢王諒以戚藩之重作牧太原乃親率官僚造門致禮深加敦諭逼令進發帝不得已起應明敷至仁壽宮屬隋文帝寢疾有勅館于內史省以須後命帝高名宿望傾動當朝承風仰流揖拜無地衣冠如宗海之赴士庶均在田之覩司空觀王雄左僕射楊素吏部尚書牛弘兵部尚書



柳述咸與抗禮延登首席中郎之下迎王粲計吏之長  
揖桓逢千載風流復存斯舉帝風儀偉麗占對詳明朝  
端改容左右屬目雄等素欽才辯欲探閭奧爭出異同  
互興名理而洪鍾有虛受之量明鏡體不疲之德詞同  
炙輶應若扣機立定雌黃既堪羸疑后前膝坐離堅白  
足使田巴杜口觀王既特相欽慕牛弘亦深加敬異竝  
虛心降節投分申交而楊素負才恥已不若雖外示接  
引而內懷猜忌乃私謂觀王牛弘曰吾觀武氏風骨實

有英雄之度今太平無事安用此人不如除之王等不  
答而柳述又潛遣相工視帝知之深不自安會隋文帝  
崩因移病出外素等以為偽迹從此欲構禍端賴觀王  
牛弘營護得免漢高以英威冠代取忌范魯

漢書  
作增

劉主

以僮出羣見疑曹操比方前事有若合符帝既脫網  
羅深自隱匿雖室家追訪猶見碭山之雲而屢里去還

下一作不

就丹陵之日辭杜城之弋獵罷雷澤之魚釣獨

覽前志長懷古人有行高於時有行濟於物輒慷慨擊

節殷勤留想便欲冥道契於一朝託神交於千載墳簞  
唱和自多跼萼之觀疑風景遊遨無乏林泉之興歲將

晏也龍螭鳳戢者久之大業七年煬帝徵天下精兵會  
於涿鹿將親授節鉞以伐遼左旌旗亘於千里轉運盈  
於萬軸閭閻失業郡縣不安帝謂諸兄曰夷狄不賓肇  
於上古自當置之度外耳未有紆萬乘而讐小忿擾羣  
生而赴非急夫兵猶火也不戢自焚禍亂之萌從此始  
矣既而六師魚潰九野鴻飛竟兆天亡之徵卒成土崩

之勢帝於是慨然有志方思濡足乃討論兵法商確將  
率上自黃帝下訖有隋考其謀畧機權稽其成敗得失  
竝列名氏為之讚論殫魚鈴武韜之術究玄女黃公之  
符勒成一家凡三十卷名曰古今典要制高秦肆事軼  
魯門可以刻秘牒而昇一作升廟堂可以藏名山而懸日  
月聖人之心情可見矣天下之能事備矣于時兵戈屢  
擾饑饉荐臻英傑懷逐鹿之心氓黎有瞻烏之懼期謝  
公之出處以卜興衰待韓王之從就而論勝負與能之

託時議攸歸長吏猜焉數令相覘帝自惟人望懼發禍  
機欲混迹而同塵且韜光而向晦乃出應期命為河北  
道總管府騎司叅軍智周變通道無語默戢大鵬之舉  
遂集榆枋降應龍之神還游埽穿楊玄感之作亂也後  
主方重討遼東玄感進圍洛陽官兵頻戰不利城中大  
駭議欲出降時帝在東都懼其失計遽往見留守樊子  
蓋為陳用兵形勢制敵權宜論玄感必敗之徵說都城  
可守之策子蓋大悅拜而從之爾後軍謀一皆諮稟卒

擒玄感帝之力焉後主歸自遼陽子蓋方之行所邀帝  
同發擬相推薦帝知後主猜忌不願多取功名深自謙  
撝發言懇到子蓋心悟嘆息而罷於是沉疑作以軍功

奏授正議大夫遷晉陽公宮留守司鎧參軍無忌之克  
敵讓封仲連之立功辭位比我休德曾何足云帝既博  
通羣書兼善衆術拂龜端策未勞詢於詹尹推歷考度  
無假訪於山稽大業十二年後主幸江都宮帝私謂諸  
兄曰此行也不復還矣繇是鄉里宗族勸帝起義帝每

自推算知時命未符又念叔孫賀之言故抑而不許初  
李密為楊玄感謀主玄感不能從及聞帝與樊子蓋運  
籌所揣皆如密意乃歎曰天下奇才也遂遣書招帝帝  
笑而不從諸兄素聞密名勸帝帝曰密雖有才氣未能  
經遠欲圖功業終恐無成會唐高祖安撫太原便留鎮  
守帝觀之曰雄傑簡易聰明神武此可與從事矣投刺  
往謁焉賈文和之揣君鄙食其之觀將翔而後集可謂  
明也高祖亦虛心結契握手推誠周文之得姜牙載以

駢服成湯之逢伊尹告之宗廟便應爪牙之任即承心  
膂之託高陽賊歷山飛來寇帝從高祖擊之弧彎六鈞  
箭穿七札隨手必陷當昏靡亂神兵掩擊醜虜大殲熊  
山之破赤眉不比其捷犬邑之摧青犢未儔其僞

光武大破

青犢十餘萬於野王孫之射犬

高祖嗟嘆賞賜甚多軍師凱旋便過帝

宅樂飲經宿恩情逾重其後數過輒宿遂以為常帝嘗  
夜行聞有稱唐公為天子者登遣尋索了無其人又夢  
從高祖乘馬登天俱以手捫日月於是具以狀白并獻



所撰兵書高祖大懼益以自負置其書於箱篋後皆按以從事聞程昱之夢即以為名聽張良之言皆納其策所謂天授豈但人謀高祖將舉義兵令帝領徒於城內義旗建授中郎將兼司鎧參軍陪斬木之經始奉披荆之締構異中涓之受職同別校之分麾從破呂州進授右光祿師至霍邑隋將宋老生發兵拒險軍不得進羣下多請引還者高祖將從之帝直入切諫高祖乃止決機於龍鬪之日定策於狐疑之辰笑禪謀之請車同子

房之借箸實建王業事符天啓霍邑定拜壽陽縣開國  
公食邑一千戶屠城斬邑既憑帷幄之謀開國承家即  
啓山河之賦京師平遷光祿大夫賜宅一區錢三百萬

綵五千段

一作足

灌嬰之頻從征伐始拜大夫去病之累

著勲庸方開甲第釋干戈而論俎豆起桴鼓而立君臣  
式是儀禮允歸通博義寧元年拜禮部侍郎餘如故儀  
刑斯在命服有輝肅事南宮雖懋於春典司言東掖更  
資於夕拜遷黃門侍郎餘竝如故職參持蓋位連負璽

茂先之博覽圖籍譽滿玉堂務伯之提正綱維名高瑣

闥錄前後功効改封義原郡開國公增邑一千戶賜良

馬二百匹粟萬

一無此字

二千石爰膺嘉賞遂啓大邦解漢

皇之驂寧比其惠分吳主之粟未齊其寵武德元年拜

內史令帝累讓不受改授納言又固辭乃授上柱國金

紫光祿大夫散騎常侍同中書門下三品兼檢校并鉞

將軍賜田三百頃奴婢三百人綵物二萬段黃金五百

斤別食實封五百戶金章紫綬玉鼎黃扉柱國齊元相

之班將軍比命卿之服膺上賞而平軍國坐中樞而議  
文武恩榮兼被時輩莫儔三年拜工部尚書餘並如故  
差肩八座配象七星以百揆之樞衡參萬機之損益德  
績兼備聲望日隆于時軍旅猶殷憲章未洽帝盡心翼  
亮推誠匡輔入有造膝之謀外弘匪躬之義興復乎九  
疇之叙彌綸乎百度之闕頽綱所以克振令典於是畢  
修高祖之禮絕羣彥進封膺唐書作應  
一本作晉國公加實封八  
百戶餘竝如故高祖又謂帝曰朕在并州之日恒往卿

家今欲使卿一門三公用徵答主人之意也是日封帝  
長兄司農卿士稜為宣城郡公次兄行臺左丞相士逸  
為六安郡公

舊唐書作  
安陸縣公

竝食邑一千戶歡比連席之舊

契均同舍之游酬德踰於二錢報恩過於一筭闔門受  
邑寧唯吳漢之子孫舉宗畢侯豈直蕭何之兄弟爾後  
高祖行幸常令帝總留臺事兼知南北牙兵馬判六曹  
尚書相國之處秦中蓋資鎮撫令君之住許下仍參籌  
畫具瞻惟允是謂國鈞時帝先缺中闈高祖親為求偶

謂帝曰隋納言遂寧公楊達才為英傑地則膏腴今有  
女賢明可以輔德秦晉之正不能加也於是特降綸言  
俾成姻對高祖自為帝婚主遣桂陽公主專知女家降  
六禮於璿樞指三星於金穴魯夫人一作大夫之嫁女卿士  
送迎張公子之取妻乘輿供帳作儷於鳳凰之兆相從  
於孔雀之樓伐柯則歡其食魚流行則美其巢鵲是配  
琴瑟爰宜室家欽若有行即孝明高皇后妃也始同媯  
水之聘終啓塗山之業永言好合若有神靈之契焉憬

彼塗泥寔惟淮海襟帶全楚咽喉勁越雖孫權故業久

黜霸圖而劉濞餘祆

一作妖

仍多反氣杜伏威初行僭逆

輔公祐繼以亂亡泉數未懲崔蒲猶在帝思俾乂遂紆

時哲以本官權檢校揚州大都督府長史賜錦袍寶帶

一具爾乃撫之以誠恕經之以權畧鈞距閭旄既問羊

而知馬網羅潛設亦因魚而得鴻降北海之渠未踰期

月盡

一作勅

南山之盜詐假旬時然後商旅安行農桑野

次化被三吳之俗威行百越之境輜軒符節之使復下

於蠻陬齒革羽毛之琛還輸於王國矣始高祖之餞帝也期以半年及江湖既平帝將入覲父老數百人詣闕上表乞更留一年潁川之還借寇恂臨淮之重祈侯霸儔功語德彼獨何人璽書褒焉復留鎮撫九年太宗以儲宮統事乃徵帝入朝寵賜頻繁事以殊禮荆河奧壤密邇瀍洛自昔股肱之郡由來戰爭之場飛水初澄雖免鯨吞之患藜祠未翦尚有狐鳴之妖受委共康非賢勿授使持節豫息舒道等四州諸軍事豫州都督賜黃



金二百斤朱轡首途吏人抃舞而交謁皂蓋臨府盜賊  
驚惶而請命傾巢咸附闔境肅然棄戟捐矛既如張霸  
之政術含哺鼓腹更似岑熙之歌詠利州都督義安郡  
王孝常稱亂劍南扇動夷落孝常誅死餘黨分竄劫掠  
未息朝廷患之太宗博訪羣寮咸以為非帝不可貞觀  
元年拜利隆始靜西龍等六州諸軍事利州都督郡惟  
遐徼地實偏陬尋蜀帝新開之途經漢主舊燒之棧渝  
人竇旅馱駭禽驚帝招輯叛亡撫循老弱賑其匱乏開

其降首百城橐弓而不用羣盜束手而來歸弘以善貸之恩赦其既然之罪未移弦望郡境又安制書褒揚增邑五百戶賜珍物服玩黃次公政稱長者裂壤開封杜伯侯動無間然賜書增秩五年改授荆峽澧朗岳果松等七州諸軍事荊州大都督眷茲上流實惟舊楚接荆臺之跨跼連渚宮之形勝一都之會昔號難治帝仁化久覃威名先著褰帷而十部咸肅閉閣而萬殊皆理寬力役之事急農桑之業徃圉空而京坻實姦回息而禮

義興市不倚門田多讓畔烝人罷訟詠河上之甘棠游  
女無思歌漢濱之喬木流化實同於二陝宣風寧止於  
六條先是微厲亢陽頗傷時稼帝乃親往長沙寺迎阿  
育王像而祈焉俄而油雲勃興大雨洪澍倏忽而四境  
滂霈須臾而千里霑洽申虔未踰於晷刻降福遙同於  
影響一州歎駭稱有神明是知元符未臻且列於公侯  
之位帝道潛契實冥於天地之德昔者姬文事紂行化  
始自於江池晉武平吳樹勳實由於荆土誠作霸之基

址乃興王之窟宅况復風煙氣色樓臺通翔鳳之川邑  
里光輝阡陌通卧龍之境爰紆不世之主將建非常之  
業於是乎百物呈瑞三靈降休游殷朝之白狼止鄴尹  
之丹爵含牙之獸遁迹於殊隣同穎之禾垂苗於近甸  
惠愛之德著矣皇王之迹兆矣然後白氣流而聖人感  
黃河清而聖人生奄有六宮遂荒三象化千乘而為萬  
國撫四海而成一家起藩屏之會昌致寰瀛之景福大  
矣哉九年唐高祖崩帝奉諱號慟因以成疾太宗遣名

醫診療道路相望醫以病候將深勸令進藥帝因舉聲  
大哭嘔血而崩敬想忠義之風緬惟臣主之分求諸古  
昔未之聞也時年五十九遺令歸葬文水因山為墳穿  
足容棺斂以時服灞陵之不藏金寶紀市之無變屢肆  
惟聖達節千載同風於是具僚失圖闔境哀慟農商號  
於野士女哭於衢三月停竽瑟之音再期深考妣之慕  
寧止東城故老安歌對陳氏之祠復見南岷吏人垂涕  
望羊公之碣太宗聞帝崩狀嗟悼久之

一作良久

曰可謂忠

孝之士乃命史官書之追贈禮部尚書配食太上皇廟  
贈物八百段米粟八百石官造靈輦送達故鄉仍委本  
州大都督英國公李勣監護喪事緣喪所須並令官給  
遣郎中一人馳驛吊祭謚曰忠孝公禮也天皇大帝嗣  
膺乾歷光闡帝猷思盛德而有懷念元功而載佇永徽  
元年改贈使持節都督并汾慈嵐四州諸軍事并州大  
都督餘竝如故聖上肇開陰耀正位坤元永徽六年又  
下制贈司空如故顯慶元年又贈司徒改封周國公食

邑四千戶咸亨元年贈太尉兼太子太師太原郡王食  
邑五千戶以文水三百戶充奉陵邑置令丞已下官夫  
源流廣而津派長枝葉繁而本根茂况立德之祀奄百  
代而全昌謀孫之基冠千齡而首出與夫東漢外戚西  
京異姓不同年而語矣文明元年皇帝臨朝追崇為魏  
王食邑一千戶永昌元年羣臣以名號不稱抗表固請  
於是上尊號曰忠孝太皇及鍾石變聲謳歌有奉皇帝  
欽受終之茂躅御惟新之景命改正朔而營宗廟定郊

丘而立社稷聿尊故實光啓鴻名乃奉冊尊大皇為孝  
明高皇帝陵曰昊陵廟曰太祖推大功而增大號奉先  
之義存焉享皇極而配皇天敬始之誠備矣仍以爲千  
人起邑名未光於寢園萬戶陪陵班僅齊於令長恩廣  
崇陽之稱更增奉明之秩聖歷二年乃下制改昊陵署  
為攀龍臺加置官屬佐吏灑水將九河齊濬橋山與四  
岳爭高然後肅敬之儀旁絕於恒數尊崇之志上申於  
罔極蓋天子之孝也庸小人之可談乎初晉陽懿公既



受田於文水有紫氣發於其地上衝太微占者以為當  
有聖人興於此邦至是而天下宗周符於所占矣帝神  
氣和雅天姿英邁率爾坦易而無廢務儼然威容實可  
親昵俾好賢而樂善博識而多聞游談者空慕其風鑽  
仰者不知其度若乃觀文察理覩奧鈎深推六書而見  
三才覆四營而窮萬象斯乃皇風之所以際天人也敦  
本抑末納祜蠲邪探秘術於九門致成功於六府斯乃  
大帝之所以慈氓庶也語竒正縱橫之術論帝王仁義

之兵教驅武熊羆作舟車器械斯乃軒后之所以張武  
功也溫良濬哲惇懿文明觀象乎藻火之衣聽言於宮  
商之律斯乃媯水之所以昭文德也聲為律而身為度  
勤於國而匱於家沐雨而櫛風卑宮而非食斯乃夏王  
之所以求諸已也引罪讓德持尊下卑虛襟於藥石之  
言屈體於芻蕘之議斯乃商后之所以聽於人也不傲  
不逸多藝多才求賢審官興法立度通刑政之要達禮  
樂之情斯乃周公之所以勤王事也宮牆罕測性道難

聞筆削所裁羣賢無措言之地憲章所綴百代成不刊之式斯乃孔宣父之所以正人倫也兼列聖之純懿總百王之事業時運未集東臯輟鴻鶴之心天衢既亨北面就人臣之禮似文命之匡虞歷都君之輔唐政終能與時俯仰隨運汙隆居位恒屈其身蒞官必行其道是以參謀帷幄則消薄蝕而殞攬撻助理鹽梅則成雍熙而作舟楫名裕於八能之士德高於五聖之臣及錫瑞分珪牧州典郡其人變而衆化其政賢而郡美入稱來

晚謳歌迎節傳之車出有去思號泣擁檐帷之路豈唯  
南征而北怨固亦西泣而東悲仁覃於鷄犬之鄉澤浸  
於蟻螻之穴用能摛光表之盛業啓格天之洪緒存膺  
顯位彤弓開九命之尊歿享大名紫籙登萬乘之貴豈  
非天道人事祐賢福善之徵歟皇帝念過隙之不留哀  
終天之罕報欽致孝之前轍一作執仰增名之舊式以為  
廟堂作頌公業纔播於朱絲簡書策勲德音不傳於翠  
琰將謀相質之事更弘顯達之躅載紆中旨爰命下臣

考泗水之遺風求弇山之故事奉天經而揚詞藻圖帝  
範而懸金石將使神功睿業配圓象而照臨茂烈宗徽  
共方儀而永久跪承大命而為頌曰

厥初剖判肇有君臣體國經野司天屬人三微遞襲五

運相因惟德是輔惟乾罔親其一謙莊斯崇荒侈則替金

鏡易失玉儀難繼於皇聖周獨與神契受籙千祀重光

百世其二軒謝摯立辛遷稷升岐山光啓鄴水丕承淳耀

中缺靈符更興三才奄有八景時乘其三方隆慶基誕生

睿德齊聖剛毅欽明柔克行為天經語成帝則文冠楊

史學窮儒墨

其四

僂三聘觀光九重未交劉徹先揖袁

逢路險難進才高不容言辭吠犬退保潛龍

其五

人忌英

雄物疵孤直隨運出處與時消息遂泊泥沙爰栖枳棘

擇木候主搏風舉翼

其六

披荆晉野借箸汾圻霍邑通路

秦闕啓扉策無遺兆慮必先機漢主分食蕭王解衣

其七

裂壤疇庸升朝致績勲刻彛鼎任司衡石玉鉉調梅金

壇秉戚職備文武道光帷帟

其八

恩洎同胞禮加內主魚

貫納幣鴈行分土外館施衿中臺曳組榮被親戚慶隆

今古

其九

三事出牧九卿為守憂

一作患

人急才屈道資祐

淮水卧汲潁川借冠龔遂買牛宋均浮獸

其十

荆吳異俗

梁豫殊鄉德績均被椒蘭共芳歌迎來軸泣送歸艎朝

禮斯懋宸心孔臧

其十一

堯得聖臣納諸大麓舜讓才子

止其枚卜况我皇明兼而韞櫝徒屈時命罔終天祿

其十二

戢耀南紀遷神北維二分齊德三馬同基漢曲圖像

江施立祠存流美化歿有餘思

其十三

欽若大君奄荒天

位率由禮樂仰尊名器裡郊展儀升壇立謚祇敬已洽

孝思無匱

其十

衣冠軫慕園寢加隆裸擇殷士歌留沛

童弇山垂裕濟水銘功德音乎翠琰配貞觀於玄穹

其十  
五



欽定四庫全書

文苑英華  
卷八百七十五

二十二

文苑英華卷八百七十五